



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

Adnotatio ad Expostulationem Christi.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

Expostu-  
lacio  
Christi  
Iesu.  
hortatio  
ad emen-  
dationem  
Vite in  
Ecclesia  
sanctaCa-  
tholica.

nisque prorsus indignam agitis, corrigit perverfos mores vestros. Vos Sacerdotes, vos Monachi, vos feminae & virgines Deo dicatae atque consecratae, perpendite diligenter quantam puritatem & sanctimoniam à vobis exigat sacer Ordo vester, atque eminens professio vestra. O rem execrandam! Siquidem plerique vestrum suis enormibus peccatis & sceleribus, sua incontinenti ac dissoluta vita mea me graviter offendunt, & ad iram provocant. Nonnulli Sacerdotes, omni timore atque pudore abjecto, voluntantur in ceno vitiorum. Liturgiam illam divinissimam, & sanctissimū Sacrificium sine reverentia peragunt. Mundissimum Corpus meū contaminatis manibus tractant, pollutoque ore sumunt. Verbis & operibus foedis alios scandalizant, atque ita vivunt, ut & mei & propriae salutis penitus obliti esse videantur. Hi profecto à Praepositis severissimè coerceri atque puniri deberent. Nam & me exacerbant; & haereticis magnam occasionem praebent despiciendi sacratissimam Missam, & congerendi maledicta in Ecclesiam meam. Solent enim ipsi haeretici attendere paleas in area mea magis quam triticum: solent curiosè inspicere malos Sacerdotes & malos Monachos in Ecclesia. Nam bonos non vident, vel potius videre nolunt: quia & Sacerdotes & Monachos, & ipsum Sacerdotium atque Monachatum oderunt:

aversanturque. Vos igitur Clerici atque laici omnes, qui intra parietes domus meae estis, qui Ecclesiam non reliquistis, studete bene vivere, ut maledica haereticorum ora obmutescere faciatis. Ego sanè his qui ex animo sese corrigent, beatitudinem caelestem donabo: eos verò qui in peccatis perseverabunt, sempiternis inferni incendiis tradam. Haec dicere me compulit ingens amor, quo salutem vestram desidero. Gratia mea cum omnibus vobis.

ANNOTATIO  
AD EXPOSTULATIONEM  
CHRISTI.

PHILOCAENOPOLIS, Latine <sup>1.</sup> dicitur. Civitas amans & cupida novitatis: quod quidem vocabulum nunc convenit pluribus urbibus, quae novis absurdisque haereticorum dogmatibus delectantur.

Si quis vult plenissimè cognoscere veritatem eorum quae in hac Expostulatione dicta sunt, potest legere libellum nostrum sic inscriptum, *Facula, illuminandis, & ab errore avocandis haereticis accommodata.* In eo enim libello plurima cōgesta sunt testimonia, deprompta ex Bibliis sacris, & lucubrationibus sanctorum Patrum ac Martyrum primitivae Ecclesiae; videlicet ex Liturgia Jacobi

Expo-  
lacio  
su C  
su.

3  
Elo-  
quor-  
dam  
trum  
Eccle-  
siam  
es p  
mir-  
&  
stalic  
Eccle-

Philoca-  
enopolis  
qua urbs  
& ubi fa-  
ta.

2.  
Hae Ex-  
postula-  
tio est cō-  
pendium  
Faculae;  
in qua sa-  
cem pra-  
ferunt ab  
viam  
Ecclesiam  
clariss-  
ma Pa-  
trum sen-  
tentia.



Exposu-  
latio Ie-  
su Chri-  
sti.

cobi Apostoli, ex scriptis Martialis Abdias, Dionysii Areopagitæ, Ignatii, Polycarpi, Clementis, Anacleti, Evaristi, Alexandri, Xysti, Telesphori, Hygini, Pii, Aniceti, Soteris, Irenæi, Justinii, Hippolyti, & aliorum.

3.  
Elogia  
quorum-  
dam Pa-  
trum in  
Facula  
nitatorum  
ex primi-  
tiva  
& Apo-  
stolica  
Ecclesia.

Porro Martialis discipulus fuit Domini nostri Jesu Christi, qui præsens erat, cum ipse Christus in ultima Cœna institueret sacrosanctam Eucharistiam, & cum in horro comprehenderetur, cumque ascenderet in cælum, ut in epistolis suis manifestè testatur Abdias etiam Christum vidit in carne. Dionysius Martyr, fuit discipulus S. Pauli. Ignatius & Polycarpus Martyres fuerunt discipuli S. Joannis. Clemens itidem Martyr, discipulus fuit S. Petri Apostolorum Principis, atque ejus successor in summo Pontificatu. Clementi successit Anacletus, Anacleto Evaristus, Evaristo Alexander, Alexandro Xystus, Xysto Telesphorus, Telesphoro Hyginus, Hygino Pius, Pio Anicetus, Aniceto Soter. Qui etiam omnes Pontifices pro fide Catholica

sanguinem fuderunt. Irenæus Martyr vixit tempore Soteris: fuerat autem in adolescentia sua auditor & discipulus Polycarpi. Justinus Martyr floruit paulò ante Ireneum, & Hippolitus paulò post Irenæum. Itaque ex prædicta Facula clarissimè liquet, primitivam Ecclesiam idem sensisse de Deo, rebusque divinis & Ecclesiasticis, quod modò Romana atque Catholica Ecclesia sentit.

O igitur clementissimam hæreticorum superbiam atque arrogantiam, qui à primitiva præsentique Ecclesiæ, à solida firmaque veritatis columna tam impudenter in fide ac doctrina dissentiunt! ipsi densissimis tenebris circumfusi, tantum à veritate distant, quantum terra à cælo disjuncta est: & tamen, ut imperitis imponant, se eximie illuminatos, se veritatis assertores, se Evangelicos & puri verbi Dei prædicatores dicunt. Deus eos ad sanam mentem, sanctamque humilitatem revocare dignetur. Amen.

4.  
Hæreticorum caeca & demens obstinatio.

